

Բ.

ՊՈՌՇՅԱՆՑ ԾԱԳՈՒՄՆ ՈՒ ԲՆԱԳԱՎԱՌԸ.

Սաղբակյան կամ Պոռշյան իշխանական տոհմի ծագման մասին մեր պատմիչների տված տեղեկությունները շատ չնչին են. նոքա միայն անցողակի կերպով հիշում են, թե խաչենցիք են, առանց մանրամասնություններ տալու նրանց նախահայրերի մասին: Իրանցից հնագույնը Կիրակոսն է, վոր նկարագրելով Գանձակի մոտ յեղած ճակատամարտը Հոնաց և Վրաց զորքերի մեջ 1222թ. Իվանե աթարեկի առաջնորդությամբ, հայտնում է նաև այս տոհմից պատերազմին մասնակցողներին անունները՝ «Իրիգոր որդի Հաղբակայ, եղբայր Վասակայ քաջի և Պապաքն նորուն եղբորորդի»*: Առաջինը զրանցից գերի յե ընկնում և հետո նահատակվում, իսկ յերկրորդը սպանվում է պատերազմի դաշտում: «Սոքա գավառաւ խաչենցիք էին», ավելացնում է Գանձակեցին, «յերևելի ազգէ, հաւատով քրիստոնեայք ուղղափառք և ազգաւ Հայ»: Վերոհիշյալ Վասակի խաչենցիք լինելու մասին յիշատակություն ունի և Որբելյան**:

Այս տեղեկությունը հաստատում և լրացնում են արձանագրություններն ու հիշատակարանները. Նուխվա գավառի Գեոգրուլազ գյուղի յերկաթագիր, մեծ ավետարանի յիշատակարանը, գրված 1232 թվին, գաղափար և տալիս այս տոհմի մեջ եղած ավանդության մասին յուր ծագման նկատմամբ. ավետարանը յուր հիշատակարանով գրել է ավել նույն տոհմին պատկանող Վանենի իշխանուհին՝ «գուտար բարեպաշտ իշխանին Ջաջոյ որդոյ Սաղբակայ թոռն Բակ իշխանին» և նվերել Հավապուռեկ կոչված իրանց տոհմական գերզմանատանը***: Հիշատակարանից երևում է, վոր Բակ իշխանը վնչ թե Սաղբակի հայրն է, այլ տոհմի նախահայ-

* Պատմ. Հայոց. Թիֆլիզ. 1910 թ. էր. 194:
 ** Ղուկասյան Հրատ. Թիֆլիզ. 350:

*** Ավետարանի մասին առաջին տեղեկությունը տալիս է Ջալալյանը Բ. 216, վոր տեսել է, վորպես թե Վարդաշեն գյուղում, մինչդեռ Բարխուդարյան Ազվանից Յերկիր և զրացիք, Թիֆլիզ 1893 թվին. յեր. 342 ցույց է տալիս իսկական տեղը Նուխվա գավառի Գեոգրուլազ գյուղը. ինքներս էլ 1910 թվի ձմրանը հատուկ գնացել ենք այդ գյուղը, ուսումնասիրելու ավետարանը մանրանկարչական տեսակետով և արտագրել բոլոր հիշատակարանները: Ձեռագրի և գլխավոր յիշատակարանի մասին տես I. A. Орбели Կ'Асан Джалал князь Хаченский СП. 1909. էր. 410. արտատպ. Известия Имп. Академии Наук. 1909. Որբելին սխալվում է հիշատակարանի թվականը 1222 ուղղելով հիմնված Իվանե աթարեկի մահվան տարեթվի (1229թ.) վերա:

ըր, «թոռն Բակ իշխանին» խոսքերն էլ այդ իմաստով պետք է հասկանալ, վոր Վարդանանց պատերազմից հետո ամրացած մի բերդում, պարսպից հանդիմանեց ուրացող Վասակին, ցույց տալով Պարսից ներկայությունը նրա կատարած չարիքը Հայոց աշխարհի գլխին, ապա յոթ հարյուր հոգով գիշերանց դուրս յեկավ բերդից և ազատվեցավ: Բակ իշխանն այդտեղից իրեն ձգեց «յամուրան Արցախայ և կեցեալք (նախնիք Սաղբակեանց) բարեպաշտությամբ և քրիստոնական հաւատով մինչև յայս բարեպաշտ իշխանս Ջաջուս և ի սմին որդիացեալս քսասէր Վանենի»*: Ընթերցողն ինքը տեսնել կարող է, վոր Բակ իշխանի այս ամբողջ պատմությունը հիմնված է Յեղիշեի վրա**, միայն նրա փախուստը «յերեսաց Շապհոյ արքային Պարսից» է համարում յիշատակարանի գրողը, վոր պարզ սխալ է, և գուցե յիշողությամբ ոգտվելու հետևանք: Սաղբակյանների ծագման ավանդության կապը Բակ իշխանի հետ կարող էր կազմվել Բակ և Հաղբակ անունների նույնությունից. տոհմը կոչվում է և Վարդանանք***, թերևս Բակի Վարդանանց իշխաններից մեկը լինելու պատճառով. իսկ յեթե Վարդանանք կոչումը հին է և իրական, նշանակում է հետագայում վորպես լուսարանություն տոհմի այդպիսի անվանակոչություն, կապվել է Բակի պատմության հետ: Իսկապես, ուրեմն, տոհմի մասին պատմական տեղեկությունն սկսվում է հիշատակարանի մեջ Սաղբակի անունով, վոր Ջաջուսի հայրն էր, Վանենու պապը: Բայց Սաղբակյան կոչումն ավելի հին է, քան Ջաջուսի հայր Սաղբակը և այս մասին ունենք ցուցմունքներ: Որբելյան վավերագրերից առնելով պատմում է. «Իշխան մի Դլեն անուն որդի Սաղբակայ, տայ յիւր հայրենի ժառանգութեանցն զՍոս գիւղն և զՍոսագետոյ մեծ այգին և ի Վժանիս զԾաղիկ, որ է տեղի բազում անդաստանաց, վասն իւր հոգույն ի տէր Յովհաննէս և ի սուրբ նշանն . . . ի թվիս 495 (=1046)»: Տաթևի Դրիգոր յեպիսկոպոսը, վոր վերոյիշյալ Յովհաննէս յեպիսկոպոսի հաջորդն էր, նույն յիշխանից գնում է «զԲոլորաքարն Նորեայ բաժինն» և հաստատում Տաթևի անունով¹: Սաղբակի վորդի Դլենը թեև կալվածներ ունի Սյունյաց աշխարհում կամ Բաղաց թագավորության մեջ, բայց նորա և ժառանգների բնագավառը Արցախումն է, Ջալալ Դաւլայի իշխանության մեջ: Ստեփանոս Որբելյան այդ ցեղի յետագա սերունդ յերեք յեղբայրներից՝ վորոնցից ավագը Հասան էր կոչվում, գնել է 1294 թ. նրանց հայրենական Աստվածընկալ սուրբ նշանը²: Այսպիսով տեսնում ենք, վոր յերկու տոհմերի ծագումն էլ Սաղբակ անունը կրող իշխաններից է և բնագավառն էլ Սաչենում, Ջալալ—Դաւլայի իշխանության մեջ, ուստի և պարզ է նրանց ցեղակցությունը: Յեթե իրական

* Յավելված Բ. 3.
 ** Տփլիս. 1904 թ. էր. 178. 182.
 *** Ալիշան Սխական. 487.
 1 Թիֆլիզ 1911թ. 315. 322.
 2 Որբ. Ղուկ. հրատ. 291, 315, 322, 485: